

蒙兀兒史記

結一宦主人自題

陸

安權帖睦爾可汗本紀第十四

蒙兀兒史記卷第十六

武進屠 寄簪

安權帖睦爾可汗

名義謂金之鐵者蒙古源流作托歡特穆爾

和世琜可汗長子也

汗即位詔自稱明宗之世適按

汗母合兒魯氏邁來廸出於成吉思汗朝駙馬阿兒思闌罕之裔與鄭王之母乃魯氏人不沙同係貴戚唯明宗即位時邁來廸已薨人不沙獨在且先適明宗故立為后且無適庶之可言也類編稱汗為長庶殊非是母邁來廸可敦合兒魯氏延祐七年四月丙寅汗生於

阿勒台山西行營時和世琜汗避地游牧於此

舊記稱生帝於北方不著地名今按明宗紀知之

和世琜汗之立圖帖睦爾汗為皇太子也約以次傳位於汗

此約舊史無明

及圖帖睦爾汗復阼欲傳位已子而嫌背約乃託和世琜汗故

后人不沙言

虞集舊傳云以安歡帖睦爾太子乳母夫言此据至元六年六月丙申詔

忽都篤可汗在日素謂安權

帖睦爾非已子至順元年遂徙置汗於高麗大青島禁錮不與人

通時論譁然圖帖睦爾汗聞而病之

二語出西書甚合事情

明年乃內徙廣西之

靜江路仍以前事詔告天下且命詞臣載其事於續蒙兀脫必察

安藏之奎章閣然所立皇太子阿剌忒納荅刺不再月而殤圖帖

睦爾汗頗以旺兀察都之事內疚疾革時顧命不荅失里可敦以

和世疎汗子承大統既殂汗異母弟鄜王懿璘質班立立四十一

日亦殤不荅失里可敦乃命左丞闊里吉思迎汗於靜江四年二

月次良鄉月從畢江續通鑑校補燕鐵木兒具鹵簿導至京師即日入宮然燕鐵

木兒身主旺兀察都逆謀內忌和世疎汗子前者鄜王之立即持

異議今茲迎汗實非本心會太史亦言汗不可立立則天下亂以

是忽里勒塔之議遷延累月不洩已而燕鐵木兒以憂死不荅失

里可敦乃與諸王大臣定策立汗約萬歲後傳位於燕帖古思太

子如武仁故事六月己巳汗即位於上都虞集傳云幼君崩大臣將立安歡帖睦爾太子用至大故事召諸老

臣赴上都議政此足為汗即位上都之旁証畢沅續通鑑注引馬江驚說云寧宗即位大明殿殿

在大都寧宗即位四十一日而順帝自靜江至京雖遷延未即立然只在大都如元統元年十月

之奉文宗御容於大承天護聖寺十一月之享太廟二年正月享太廟上文宗臨號告祭南郊四

月文宗廟於太廟及行親祀之禮皆是在大都事疑詔所謂六月八日即皇帝於上都字或誤也

寄按馮氏考之未審無論元統元年十月以後二年正月以前之奉御容享太廟告南郊皆遣官

攝事即二年四月文宗廟廟舊紀雖云躬行告祭之禮亦誤辨詳下文至元六年十月甲申躬祀

太廟追上明宗尊號法惟是年秋舊紀不書車駕至白上都失之詔赦天下 辛未拜伯顏為太師右丞相

撒敦為太傅左丞相 八月立玉旨別里巴牙元氏為皇后舊紀伯牙吾氏

考詳后九月庚申詔右丞相伯顏左丞相撒敦總百官統庶政餘

見傳

人不得兼三職。又從中書言。省院臺外。餘官不許遞升。致礙選法。

冬十月戊辰。詔改至順四年為元統元年。丁丑。依皇太后行

年數。釋在京獄囚二十七人。庚辰。奉安大行皇帝。

明年四月始上廟號。舊紀是日即稱。

及先太皇太后。武仁之母。已。御容於大承天護聖寺。命撒敦兼隆祥院

使領祭祀。戊子。封撒敦為榮王。食廬州賦諸王表金印。獸紐。下未載當補。唐其勢襲父爵。

太平王。十一月丙申。秦州成紀山崩地坼。辛丑。起樓毛殿。

辛亥。進封伯顏為秦王。是日。秦州山又崩。太陰犯太微東垣上

將。復立江西湖廣江淛河南摧茶運司。十二月。命伯顏領彰

德威武衛事。廣西徭寇湖南。陷道州。千戶郭震戰死。寇焚掠去

遣省臺官分理天下獄囚。臯狀明白者處沒冤者辨之。疑者讞

之。淹滯者臯其有司。元制每三年遣五府官分理天下獄囚。常例也。後不悉書。為皇太后復置徽政

院。是歲。關中涇水。河南黃河。竝以霖雨大溢。平地水丈餘。兩淮

旱。民皆大饑。衍聖公孔思晦卒。雲南僉羅土官渾鄧馬來貢。

就陞其地為散府。

元統二年春正月庚寅朔雨血汴梁簪衣皆赤遣吏部尙書帖

住禮部郎中智熙善使安南頒卽位詔并賜元統授時曆己酉

請大行皇帝尊諡廟號於南郊遣官攝祭罷廣教總管府復立

行宣政院於杭州戊辰封也真也不干爲昌寧王諡子襲不義黨三月

以陰陽家言敕停土木造作四年復立西番巡捕都元帥府

益都眞定盜起省院選官督捕之仍募能禽盜者倍其賞獲三人

者予一官詔蒙兀色目人犯姦盜詐僞者宗正府理之漢人南

人犯者屬有司慶遠徭寇全州殺同知元帥吉烈思掠庫財先

後命湖廣右丞脫魯迷失平章探馬赤討捕之夏四月戊午朔

日有食之命唐其勢爲總管高麗女眞漢軍萬戶府荅魯合臣

與馬札兒台竝爲御史大夫己卯遣官攝祭太廟附文宗是月

罷夏享冬宗舊祀三月己酉附太廟月日與此不符又順帝舊紀云是日躬行告祭之禮後至元六年六月甲申上明宗尊諡親享太室之文而誤汗嘉許衡

輔世祖以不殺一天下特錄其孫從宗爲異珍庫提點置局京

師南北城官自鬻鹽以佛事繁費敕累朝周年忌日依舊餘悉

罷之 車駕如上都 五月辛卯撤敦罷為商量中書省事以唐

其勢為左丞相辭不拜 命文濟王蠻子鎮大名雲南王阿魯鎮

雲南 敕諸王駙馬位下軍站人匠鷹坊控鶴等戶但隸京師諸

縣者與所在編民一體應役 六月乙亥復命撤敦為左丞相

詔禁蒙兀色目人行父母喪

舊說禁字則與至正十三年鄭恒言相反蓋蒙兀色目人本不行三年之喪及濡染華俗有時自請行之者禁

之恐其藉喪避兵役也前朝亦屢禁

秋七月戒陰陽人毋得於親貴家妄言禍福 壬

辰御大安閣宴奎章閣諸詞臣

舊紀云帝幸大安閣是日宴詞臣於奎章閣載筆殊誤按大安閣在上都奎章在大都帝豈能一日

之間幸此宴彼蓋宴待臣中之奎章閣學士從幸上都者曰

壬寅詔蒙兀色目人犯盜者免刑

八月

丙辰朔太白經天

辛未以太白晝見又屢經天大赦

自四月戊寅已卯壬戌至七月

甲午己酉太白晝見凡五又自七月已亥至四月戊辰太白經天凡十五

是日太白復經天

自是日至九月壬寅太白又十二次經天

京師

地震宣德雞鳴山崩地陷為池方百里人死者眾

九月辛卯車

駕至自上都

叛猺陷賀州發湖廣及河南江淞江西四省軍及

八番義從軍命廣西宣慰使都元帥章伯顏總領討之 冬十月

乙卯朔正內外官朝儀班次一如品從

立湖廣黎兵屯田萬戶

府

統千戶十有三所每所兵千人屯戶五百皆募土人充之官給土田牛種農器其後役

已卯上皇太后尊號曰贊天開

聖仁壽徽懿昭宣皇太后詔赦天下蠲民田租之半內外官四品

以下減一資卻天鷲之獻命臺憲部官各舉材堪守令者一

人十二月詔整治學校是歲湖廣自三月河南自四月至於

八月不雨大旱湘西大饑民以戶計者凡五十九萬五百有奇

發米六萬七百石鈔二千八百挺振之并發義倉及截留海運糧

七十八萬三百七十石以備不虞禁私勑寺觀菴院僧道入錢

五百貫給度牒方許出家宗王荅兒麻失里薨篤哇孫徵棘斯

襲察阿歹汗

三年春正月申命廉訪司察舉郡縣勸農官勤惰達大司農司以

馮黜陟二月汰冗官乙卯汗將出岐柳林從臺臣諫而止

三月乙巳封安南世子陳端午爲安南國王是月撒敦卒唐其

勢拜左丞相

撒敦之卒舊紀未載燕鐵木兒舊傳云至元元年三月立燕鐵木兒女伯牙吾氏爲皇后是時撒敦已死唐其勢爲中書左丞相按伯牙吾皇后之立本紀明

繫於元統元年八月后妃傳年月同則至元元年三月實非立后之年月乃撒敦死之年月亦即唐其勢代爲左丞相之年月今依傳文參攷補正於此

夏四月詔

諸官非節制軍馬者不得佩金虎符 己巳加唐其勢開府儀同

三司 罷功德典瑞營繕集慶翊正羣玉繕工金玉珠翠諸提舉

司 以撒廸為御史大夫 撒廸舊紀此處作撒的按二年四月已書撒廸為御史大夫與此事實相複而彼乃初命蓋二年四月唐其勢方長

御史臺今唐其勢已改拜左相故撒廸代為臺長 禁犯御名 五月戊子車駕如上都 遣使

詣闕里祀孔子 嚴謚法 甲辰伯顏請以右丞相讓唐其勢詔

不允 舊紀此下有以唐其勢為左丞相八字當云唐其勢仍為左丞相按唐其勢以三月代撒廸為左丞相辨已見前非因伯顏讓以右丞相詔不允而始命為左丞相也今

六月禁服色僭侈 明年四月舊紀云禁服麒麟鸞鳳白兔靈芝雙角五爪龍八龍九龍萬壽福壽字及赭黃色即此禁令之條文

罷江淮財賦總管府所轄杭州平江集慶三處提舉司以其事歸

有司 庚辰伯顏殺唐其勢及其弟塔刺海遂執皇后玉旨別里

巴牙兀氏 秋七月辛巳朔以阿察赤為御史大夫 壬午伯顏

弑皇后玉旨別里巴牙兀氏 壬寅命伯顏以右丞相專領中書

事虛左丞相不置 乙巳罷燕鐵木兒唐其勢舉用之人 戊申

誅荅憐荅里刺刺等於市詔曰曩者文宗皇帝以燕鐵木兒嘗有

勞伐父子兄弟顯列朝廷而輒造事變出朕遠方文皇尋悟其矣

有旨傳次於予。燕鐵木兒貪利幼弱。卻立朕弟懿璘質班。不幸崩殂。今丞相伯顏追奉遺詔。迎朕於南。既至大都。燕鐵木兒猶懷兩端。遷延數月。天隕厥躬。伯顏等同時翊戴。乃正宸極。後撒敦荅里

唐其勢等相襲用事。交通宗王晃火帖木兒。圖危社稷。燕鐵木兒舊傳云六月三十日

唐其勢伏兵東郊。身率勇士突入宮闕。果有其事。詔書當以稱兵犯闕之舉加之。願乃僅稱交通宗王晃火帖木兒。圖危社稷。則舊傳所云非事實也。蓋東郊之兵乃其本部之兵。屬駕上都者所

謂勇士乃其固有之衛士。從以入朝者。舊紀庚辰日書伯顏奏唐其勢及其弟塔刺海謀逆誅之。亦微詞也。阿察赤亦嘗與謀。阿察赤即御史大夫者。燕鐵木兒舊傳稱爲怯薛官。蓋亦勲舊子孫爲怯薛長者。但不詳其氏。蓋伯

亦勲舊子孫爲怯薛長者。但不詳其氏。蓋伯賴伯顏以次掩捕。明正其辜。元凶

搆難。貽我皇太后震驚。朕用兢惕。永惟皇太后後其所生之子。一

以至公爲心。親挈大寶。畀予兄弟。迹其定策兩朝。功德隆盛。近古

罕比。雖嘗奉上尊號。揆之朕心。猶爲未盡。已命大臣特異加禮。伯

顏爲武宗捍禦北邊。翼戴文皇。茲又克清大憝。明飭國憲。爰賜荅

刺罕之號。至於子孫。世世永賴。可赦天下。并王晃火帖木兒自

殺。舊紀闕未載燕鐵木兒傳亦無日月姑補於此八月。以淇陽王完者帖木兒。舊紀闕未載燕鐵木兒傳亦無日月姑補於此知樞密院事。

帖木兒不花竝爲御史大夫。命湖廣右丞完者討廣西叛徭。

九月御史臺臣言國初宦官不過數人今內府執事踰千請依舊制裁減冗濫以廣仁愛而節靡費從之車駕至自上都冬十月丁巳流晃火帖木兒荅憐荅里唐其勢子孫於邊御史大夫完者帖木兒坐逆臣也先鐵木兒骨肉之親奪官削爵安置廣海平章政事徹里帖木兒議罷科舉及并太廟四時之享爲一監察御史呂思誠與同官劾其變亂舊章不報思誠等十九人皆辭職去惟陳允文以不署名畱十一月庚辰詔罷科舉以所在儒學貢士莊田租給宿衛衣糧從伯顏請敕內外官循資銓注今後毋得保舉黜陟選法以燕鐵木兒唐其勢荅里所奪高麗田宅還其國主王燾戊戌召前知樞密院事福丁失刺不花及撒兒的哥還京師二人前以汗未卽立謀誅燕鐵木兒事覺被貶故正之辛丑改元詔曰朕祇紹天明入纂丕緒於今三年夙夜寅畏罔敢怠荒茲者年穀順成海宇清謐朕方增脩厥德日以敬天恤民爲務屬太史上言星文示儆將朕德薄有所未逮歟天心仁

愛俾予以治有所告戒歟。弭災有道善政爲先更號紀年實唯舊
典惟世祖皇帝在位長久天人協和諸福咸至祖述之志良切朕
懷今特改元統三年爲至元元年。適遵成憲誕布寬條庶格禎祥。
永綏景祚赦天下。蠲民田租之半。十二月丙辰制省諸王公主
駙馬朝會飲膳之費。丁巳命伯顏領宮相府。乙丑上皇太后
尊號曰贊天開聖仁壽徽懿昭宣貞文慈佑儲善衍慶福元太皇
太后。詔天下。是夜太白犯軒轅夫人星。戊寅蒙兀國子監成
是月西番賊起遣兵擊之。閏月乙酉詔弛四川鹽井之禁聽民
煮造課其稅什三。壬寅流平章政事徹里帖木兒於南安州。
是歲河州路雨雪十日深八尺牛羊駝馬凍死什九民大饑。宗
王徵棘斯薨弟不站襲察阿互汗。平伐都雲定雲諸洞夷酋長
寶郎天都蟲等來降。占城入貢。恕安南阻其貢道詔遣使諭安
南。

至元二年春正月置都水庸田司於平江。二月丁酉追尊皇妣

合兒魯氏曰貞裕徽聖皇后 免金山甘肅逃兵。舉聽其復業。此皆必是延祐三年冬從周王逃往金山者 三月丁巳以累朝御服珠衣七寶項牌賜伯顏

諸軍討廣西叛獠久無功。敕行省行臺及廉訪司官共督之。甲

戌復申西川鹽井之禁。夏四月丁丑朔禁民間私造格例。戊

寅封駙馬孛羅帖木兒為毓德王。翁吉剌氏克王買住之弟是月戊戌與同賜鈔之八公主殆是王妻公主舊表不載 庚

寅以帖木兒不花為平章政事。花舊作華依宰相表校正按元年八月舊紀書以知樞密院事帖木兒不花為御史大夫則是

日實由大夫改除平章非由知院改也而舊紀云以知樞密院事帖木兒不花為中書平章政事乃誤涉前官

丙午朔黃河復故道。至順四年六月大溢河南後至是始復 六月禁諸王駙馬從衛服

只孫繫條環。以帖木兒補化為江淞行省左丞相。帖舊作鐵依巴而札阿而忒的斤傳校改

禮部侍郎忽里台請復科舉不聽。秋七月庚申禁隔越中書

口傳敕旨冒支錢糧。庚午敕立上都孔子廟碑。八月甲戌朔

日有食之。詔雲南廣海八番及甘肅西川邊遠官死而不能歸

葬者有司給衣糧舟車護送還鄉去鄉遠者加鈔二十挺無親屬

者官為瘞之。庚子詔強盜舉皆死盜牛馬者剗驢騾者黥額再

犯剽盜羊豕者墨項再犯黥三犯剽剽後再犯者死盜諸物者照

其數估價省院臺五府官三年一次審洩著為令 九月癸亥弛

鞏昌總帥府漢人軍器之禁 戊辰車駕至自上都 冬十月己

亥詔右丞相伯顏太保定住平章孛羅阿吉刺日會議內廷平章

塔失海牙

審舊表不
續此已補

右丞鞏卜班參政納麟許有壬日會議中書

十一月壬子附宣慈惠聖皇后於武宗莊懿靜聖皇后於英宗貞

裕徽聖皇后於明宗各太室遣官攝祭 以那海為湖廣平章討

廣西叛獠

丁巳謫河南行省平章珙珞普華於西番為僧

此珙珞
普華疑

即弑明宗之月
魯不花異譯

壬戌命樞密同知者燕不花兼管宮相都總管府荅

魯合臣領隆鎮衛左阿速衛諸軍

伯顏傳云以者燕
不花為屏蔽指此

癸亥謫宗王不

蘭奚梧州安置

辛未禁彈弓弩箭袖箭

壬申敕印造明年鈔

本百五十萬挺

十二月宗王也孫帖木兒進西馬三匹

是歲

以燕鐵木兒居第賜灌頂國師曩哥星吉以為大覺海寺塑千佛

其中

江淞自春不雨至於八月大無麥禾

太廟唯舉冬祭三

年四年五年皆如之 宗王阿不賽因薨旭烈兀汗國內亂阿里

不哥後人阿勒巴孩罕自立為波斯阿刺黑汗未幾亦憐真八的

之孫沒沙取而代之自此黨爭不已後八年而國亡

詳阿不賽因傳

三年春正月壬寅朔高麗國王王燾來朝

韓國小史去年冬十月書如元蓋記其國啓行之月也而舊紀於元

年十二月書詔徵高麗王阿刺忒納失里入朝今年夏四月始書高麗王阿刺忒納失里朝賀還國賜金一挺云云卻未書其朝賀之日其實所謂朝者乃朝今年正月旦賀者實冊立伯顏忽都皇

孛也

癸卯廣州增城人朱光卿與其黨石昆山鍾大明等聚眾反

偽稱大金國建元赤符命指揮狗札里會江西左丞沙的討之

立宣鎮侍衛屯田萬戶府於寧夏 戊午車駕畋於柰林凡三十

五日監察御史丑的宋紹明諫乃還宮汗嘉丑的等直言賜之金

固辭汗曰昔魏徵進諫唐太宗未嘗不賞汝其受之 汝寧人棒

胡反於信陽

棒胡本名閻兒胡其姓以善用棒人因呼為棒胡至是燒香惑眾妄造妖言作亂

破鹿邑焚陳州屯營杏

岡命河南左丞慶童討之 立船戶提舉司十提調所二十定船

戶科差船一千料之上者歲納鈔六挺以下遞減 甲申定服色

器皿輿馬之制 復立廣東采珠提舉司 三月戊午冊立孛思

忽兒翁吉刺氏伯顏忽都爲皇后。雨輟朝賀。夏四月癸酉。禁漢

人南人高麗人不得乘馬執兵有馬者拘入官。壬寅。伯顏領宣

鎮侍衛軍。己卯。車駕如上都。辛卯。合州大足人韓法師反。自

稱南朝趙王。己亥。惠州歸善人聶秀卿與其黨譚景山造軍器。

拜戴甲爲定光佛。遙結朱光卿爲亂。命沙的并討之。詔省院臺

部及宣慰司廉訪司暨路府幕官之長。並用蒙兀色白人。仍禁漢

人南人不得習學蒙兀色目文字。五月辛酉。民間訛言朝廷拘

刷童男女。一時嫁娶始盡。戊申。以汝寧棒胡廣東朱光卿聶秀

卿等皆漢人。詔省院臺及翰林集賢漢官講求討捕方略以聞。

西番賊殺鎮西王子党兀班。命也先帖木兒行宣政院使往討之。

壬戌。命四川參政舉理等捕反賊韓法師。六月辛巳。京畿及

河南北大霖雨。十有三日不止。御河渾河黃河及漳沁諸水並溢。

没人畜田廬無算。秋七月癸卯。車駕出畋。丙午。幸失刺幹兒朵

丁未。詣龍岡。灑馬漣祭天。壬子。幸乾元寺。庚午。詔除人命重事。

外凡盜賊諸事不許五府審錄有司依例沒遣 是月狗札里禽

朱光卿餘黨悉平 八月京畿盜起 壬午京師地大震壞太廟

梁柱各室牆圯壓損儀物文宗神主御牀盡碎西湖寺神御殿仆

壞祭器自是累震至丁亥方止民間所損尤鉅 癸未日有交暈

左右珥白虹貫之 河南地震 弛高麗人乘馬執兵之禁 車

駕至自上都 九月己酉奉安文宗新主玉冊於太廟遣官告祭

分立四川湖廣江西江淞行樞密院 立皮貨提領所於寧夏

冬十月命江淞參政搠思監提調海運事 參政舊紀誤作丞相 十一

月立屯田所於雄州 十二月命太保馬札兒台行分樞密院事

於嶺北 是歲徵西番僧加刺馬至京師賜號灌頂國師授玉印

四年春正月丙申以地震大赦 詔內外廉能官父母年七十無

侍丁者埶近銓注以便迎養 辛酉命乃蠻台襲國王仍行嶺北

分樞密院事 乃蠻台本合黎五世孫也本傳稱後至元三年襲國王考宋兒只 詔修

曲阜孔子廟 二月丁卯罷四川湖廣河南江淞江西四行樞密

院 庚午車駕岐於柳林 三月辛酉請鄭王尊諡廟號遣官攝

祀南郊

舊紀但書告祭南郊不言因何事告祭今按寧宗本紀補正因後至元三年正月辛亥舊紀書升神懿璘只班皇帝於廟諡神聖廟號寧宗乃太常議奏諡號之年月

非請諡號之年月日也

以前國王朵兒只

舊紀國王上脫前字

為遼陽行省左丞相

宗

王玉里不花知樞密院事

玉里不花世系不詳

夏四月辛未京師雨紅沙晝

晦 癸酉以脫脫為御史大夫 已卯車駕如上都 河南執送

棒胡至京師伏誅

乙酉上卿王尊諡沖聖嗣孝皇帝廟號寧宗

遣官祔祭太廟

舊紀誤繫於三年正月辛亥據寧宗紀移補於此

五月辛酉詔許吐蕃宣慰司

漢軍乘馬執兵

吐蕃二字譯依唐書舊紀作土番其實即拓跋之異譯也三年八月戊子紀稱漢人鎮遏生番處亦開軍器之禁生番乃土番形近之譌事

兩紀刪彼存此

吏部增設考功郎中員外郎主事各一員以佛家閭喬林

魏宗道充任

去年十二月舊紀即書吏部仍設考功郎中云云仍設為增設之設至是始命官

考校天下郡縣功過

六月袁州人周子旺反僭稱周王改年號尋就禽伏誅 漳州南

勝人李志甫聚眾作亂圍州城守將撈思監與戰不利詔江淞平

章別不花總漕閩江西廣東兵討之 秋七月己酉奉聖州地大

震壞民居 八月癸亥朔日有食之 遣使高麗取童男女用御